

1. **Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida**, ul. Širokac br. 22, Sarajevo, koga zastupa v.d. direktor Suad zijadić, prof. ( u daljem tekstu: **Ugovorni organ**)  
i
2. **Društvo za proizvodnju, trgovinu i usluge <<GRBO>> d.o.o.** Sarajevo, ul. Moševićka b.b., Ilijaš, Podlugovi, koga zastupa direktor Hašim Grbo ( u daljem tekstu: **Dobavljač**)

dana 16.06.2017.godine u Sarajevu zaključili su:

## **U G O V O R** **o izvođenju radova**

### **PREDMET UGOVORA**

#### **član 1.**

Predmet ovog ugovora je izvođenje radova na ispravljanju nakrivljenih šehidskih nišana na mezarjima u Kantonu Sarajevo na kojima ne upravlja KJKP "Pokop" d.o.o. i ispravljanje grešaka na nišanima

Radovi se izvode prema usvojenom predmjeru i ponudi sa jediničnim cijenama definisanim provedenom e-aukcijom dana 05.06.2017.godine, i isti čine sastavni dio ovog Ugovora.

### **VRIJEDNOST UGOVORA**

#### **član 2.**

Cijena za ispravljanje jednog para nakrivljenog šehidskog nišana iznosi	135,458 KM
Netto vrijednost radova iz predmeta ovog ugovora iznosi	19.900,00 KM
PDV 17% iznosi	3.043,00 KM

**Ugovorne strane su saglasne da kupna vrijednost ugovora sa uključenim PDV 17% iznosi**

**20.943,00KM**

**( slovima:dvadesethiljadadevetstotinačetrestetri i 00/100KM)**

#### **član 3.**

Ugovorni organ zadržava pravo da Dobavljaču naloži izvođenje predmetnih radova fazno i isti radovi će se plaćati na osnovu privremenih situacija čija će se cijena utvrđivati na osnovu jediničnih cijena koje su iskazane i prihvaćene u ponudi Dobavljača koja je prihvaćena kao sastavni element ovog ugovora.

Naknadni radovi koji su neophodni mogu se izvesti na pismeni zahtjev nadzornog organa uz predhodno utvrđenu i od strane Ugovornog organa odobrenu cijenu.

## **ROK**

### **član 4.**

Datum početka radova je datum uvođenja Dobavljača u posao, što se evidentira u građevinskom dnevniku.

Dobavljač je dužan ugovorene radove završiti u roku od 45 /četrdesetpet/ dana od potpisivanja ugovora.

### **član 5.**

Ugovoreni rok se može produžiti samo:

1. u slučaju zakašnjenja uvođenja u posao, za onoliko dana koliko je trajalo to zakašnjenje,
2. u slučaju više sile, za onoliko dana koliko su trajali razlozi produženja izazvani tom silom.

### **član 6.**

U slučaju kašnjenja u izvođenju radova, do kojeg je došlo krivicom Dobavljača, isti će platiti ugovornu kaznu, u skladu sa Zakonom o obligacionim odnosima u iznosu od 1% vrijednosti ugovora, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova, koji su predmet ugovora.

Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

## **MJESTO IZVRŠENJA UGOVORA**

### **član 7.**

Ugovorne strane su saglasne da je mjesto izvršenja ugovora: Mezarja u Kantonu Sarajevo na kojima ne upravlja KJKP "Pokop" d.o.o.

### **član 8.**

Pored obaveza predviđenih postojećim građevinskim propisima za predmetnu vrstu radova, Dobavljač je posebno dužan:

1. da prilikom izvođenja radova preduzme sve mjere da ne nanosi štetu susjednim objektima, saobraćaju i trećim licima. Sve štete koje izvođenjem radova prouzrokuje trećim licima snosi isključivo Dobavljač;
2. da o svome trošku otkloni sve nedostatke na radovima koji su nastali njegovom krivicom;
3. da na zahtjev Nadzornog organa ukloni sa gradilišta nekvalitetan materijal;
4. da po završetku radova, ukloni sve pomoćne objekte koje je koristio za potrebe izvođenja radova i uredi i očisti prostor od otpadaka i drugog neupotrebljenog materijala;
5. da na gradilištu obezbijedi mjere zaštite na radu zaposlenih radnika kako svojih tako i eventualnih kooperanata,
6. da održava izvedene radove do pripreme predaje istih.



#### **član 9.**

Za vršenje cjelokupnog nadzora nad izvođenjem ugovorenih radova Ugovorni organ ovlašćuje: Tehničku komisiju Fonda memorijala.

#### **član 10.**

Dobavljač je obavezan da za svo vrijeme izvođenja radova uredno vodi građevinski dnevnik.

Potrebne podatke za građevinsku knjigu utvrđuje zajednički Nadzorni organ i predstavnik Dobavljača, a unosi ih stručno lice Dobavljača po uputstvima Nadzornog organa.

### **NAČIN PLAĆANJA**

#### **član 11.**

Ugovorni organ će Dobavljaču uplatiti avans u iznosu od 30% od ugovorene cijene u roku do 30 /trideset/ dana od datuma potpisivanja ugovora, nakon što Dobavljač predoči Ugovornom organu avansnu fakturu i mjenicu sa mjesečnom izjavom. Avansna isplata će se nadoknaditi oduzimajući proporcionalne iznose od redovnih isplata Dobavljaču, da bi se u punom iznosu nadoknadio do isteka roka za završavanje ugovora.

Plaćanje će se prilagođavati odbijanjem za avansnu situaciju.

Ugovorni organ će plaćati Dobavljaču privremene situacije ovjerene od strane Nadzornog organa u roku od 30 (trideset) dana od datuma prijema ovjerene situacije.

### **GARANCIJA ZA UREDNO IZVRŠENJE UGOVORA I KVALITET IZVEDENIH RADOVA**

#### **Član 12.**

Dobavljač će dostaviti безусловnu bankarsku garanciju za uredno izvršenje Ugovora u iznosu od 5 % od vrijednosti Ugovora sa PDV-om, sa rokom trajanja garancije do potpune realizacije Ugovora.

Dobavljač će dostaviti garanciju u vidu mjenice i mjenične izjave u iznosu od 5% od vrijednosti izvedenih radova sa PDV-om za kvalitet izvedenih radova sa rokom trajanja od 2 (dvije) godine plus 30 (trideset) dana.

#### **član 13.**

Dobavljač radova odgovara za solidnost i kvalitet izvedenih radova za vrijeme od 2 (dvije) godine, računajući od dana završetka radova. Unutar ovoga roka Dobavljač je obavezan da o svom trošku na pismeni zahtjev Ugovornog organa, otkloni sve nedostatke koji bi se pojavili na izvedenim radovima usljed nesolidnog izvođenja ili upotrebe nekvalitetnog materijala.

Ukoliko se Dobavljač ne odazove na poziv Ugovornog organa za otklanjanje nedostataka, Ugovorni organ ima pravo angažovati drugog dobavljača o trošku Dobavljača .

### **OSTALE ODREDBE**

#### **član 14.**

O izvršenim radovima sačinjava se zapisnik koji ovjerava ovlašteni predstavnik Dobavljača, Ugovornog organa i Nadzornog organa. Zapisnik o izvršenim radovima, predstavlja dokument na temelju kojeg se vrši situiranje izvršenih radova.

